


中 華 民 國 三 年 一 月 六 號
行 政 公 署 政 報 處 發 行

湖 南 政 報



本 報 價 目

一 本報按照陽歷每日出報一本
一 每分每月收回大洋六角
一 零售每分銅元三枚

一 外埠購報郵費以購報之多寡酌加
一 夫役送報如有遺漏請即函告以便補發

長沙育嬰街宏文社印刷

目錄

命令

省令

都督兼民政長令 九則

公電

本省發電

都督兼民政長致湖北民政長電

都督兼民政長致兩湖官銀錢局高督辦電

都督兼民政長致 大總統電

都督兼民政長覆駐藏辦事長官電

各省來電

駐藏辦事長官致北京各部各省都督民政長電

高督辦自天津致 都督兼民政長電

張朱兩檢察使自漢口致 都督兼民政長電

直隸都督致北京國務院各省都督民政長電

公文

都督兼民政長呈 大總統 國務院 內務部 文

都督兼民政長呈 國務院 內務部 文

都督兼民政長致比國駐漢口總領事照會

專件

大總統召集政治會議委員訓詞 續

命令

大總統令

行政之道首在得人用人之法宜循資序改革以來京外各官吏咸以一時權宜即與除授鑒別未極精詳程式亦形簡率或徑由臺省擢授賢選無聞或僅請中央敍階參觀亦缺既失揀才之遺規復違任官之大法是以成功報最者固不乏人而尸位覆餗者亦所在多有塗徑既乖政績斯墮自今以後凡簡任各官除特別覲見者外非覲見後不得領任命狀毋許就職此外簡任薦任各官一切授職赴任等事亦宜明定規條各符體制仰國務院飭由法制局迅即訂擬章程用資遵守庶官方得以澄敍紀綱因而整飭行政用人實有利焉此令

現在時局粗定外蒙退兵各邊漸就粗平善後圖新百端待舉首以綏撫蒙民爲急務念自外蒙內犯用兵以來各內蒙及察哈爾所屬各旗各牧廠人民鄰近戰綫及被庫隊侵略者多慘遭波及之殃耕者不得安其畝畝牧者不得保其畜產甚至屯嫫被燬婦穉流離或被脅而北移或避兵而南徙赤地千里村落邱墟值此朔雪嚴寒嗟我難蒙凍餒交加何以堪此應由各邊將軍都統及各鎮守使各司令師長等設法招撫加意拊輯凡未歸蒙民原有耕牧之地者均令照舊管業困苦者優給撫恤俾得自存燬壞者酌爲修復庶獲安居該漢蒙各官經理著效者應優予獎勵所有軍事以前該蒙古官民涉有嫌疑曾受脅迫者勿得復問該將軍都統等即妥爲籌辦逐細具覆務期彫瘵獲蘇庶富日進以副中央視民如傷協和五族之旨此令

陳希義授爲陸軍中將此令

代理陸軍總長周自齊呈請任命解朝東爲陸軍第二預備學校校長應照准此令

兼代陸軍總長周自齊呈請將四川陸軍勦辦重慶叛兵出力之陸軍步兵中校劉湘王麗中房楨加陸軍步兵上校銜陸軍砲兵中校姚倬章李根固加陸軍砲兵上校銜鄭璐周焯劉沛濃授爲陸軍步兵中校陳能芳授爲陸軍騎兵中校袁彬授爲陸軍砲兵中校應照准此令

代理陸軍總長周自齊呈核覆吉林民政長擬以式鐸富爾杭阿補驍騎校請予准補等語應照准此令

代理陸軍總長周自齊呈核覆山海關等處副都統擬以鍾琨補驍騎校請予准補等語應照准此令

據領參謀總長事黎元洪呈據林攝等呈稱前常州軍政分府參謀長粟養齡因該分府趙樂羣槍斃陳大復一案牽連被逮經南京留守審判呈請陸軍部定議粟養齡科以無期徒刑在案本年七月寧亂事起南京監獄悉皆殘破粟養齡避難來京赴部自首按其前次犯案雖由自取惟查新刑律自首者有量予減免之條且其老母年踰七旬家無次丁又乏嗣子情尤可憫請轉早准予赦免等語本大總統查粟養齡本係因案牽連此次間關自首尙屬情有可原應依臨時約法第四十條特赦粟養齡免其執行由陸軍部遵照辦理此令

中華民國二年十二月二十八日

任命葉恭綽爲交通部路政局局長龍建章爲交通部郵傳局局長此令

任命葉恭綽仍兼代理交通次長此令

伍祥楨改充長岳鎮守使此令

任命喬建才爲多倫鎮守副使此令

據署雲南都督唐繼堯電稱大理克復逆首楊春魁在逃該逆潛通孫文黃興兇狡絕倫當飭各營分追扼捕本月二十五日連長粟飛鵬科員張一鯤等探知該逆逃踞瓦梳地方帶隊圍攻鏖戰甚烈旋經縱火將該逆焚斃驗明正身並生擒僞職馬蓋臣冉洪楊熾昌三名立飭正法又於僞司令部查獲銀圓二萬六千餘元銀一千五百兩點驗保存各等情該逆楊春魁潛通亂黨勾煽謀叛罪不容誅粟飛鵬張一鯤等奮不顧身殲除大憝搜獲庫欸點驗保存洵屬廉勇可嘉粟飛鵬張一鯤均着加給四等文虎章以資鼓勵此令

曹嘉祥授爲海軍少將此令

司法總長梁啓超呈稱刑事司司長駱通呈請辭職駱通准免本官此令

司法總長梁啓超呈請任命湯鐵樵署刑事司司長應照准此令

交通總長周自齊呈請任命權量雷光宇爲參事應照准此令

交通總長周自齊呈請任命陳福頤爲經理司司長應照准此令

任命陳福民署湖北高等檢察廳檢察長徐聲金署江蘇高等檢察廳檢察長此令

司法總長梁啓超呈請任命陳毓璣署浙江杭縣地方檢察廳檢察長應照准此令

司法總長梁啓超呈請任命殷繩戍署直隸天津地方審判廳推事邵令澤署直隸岷北地方審判廳推事葉翼鑿署直隸保定地方檢察廳檢察官陸澄宙署江蘇第一高等審判分廳推事魏炯爲福建高等審判廳書記官長應照准此令

交通總長周自齊呈請任命顏德慶陳同壽曾廣勳徐中哲周家義爲技正應照准此令

內務總長朱啓鈴呈稱民治司司長舒鴻貽才學優長歷練甚深請免去本官以觀察使記名等語應照准此令

兼代陸軍總長周自齊呈據口北宣慰使那遜阿爾畢吉呼呈請任命張文李含英爲參贊應照准此令

兼代陸軍總長周自齊呈請將守護清崇陵出力之陸軍步兵上校羅壽恒加陸軍少將銜王桂山授爲陸軍步兵上校吳曼田錦章授爲陸軍步兵中校常貴陳文順祝方濬趙慶海授爲陸軍步兵上尉並加陸軍步兵少校銜李崇祺授爲陸軍步兵中尉並加陸軍步兵上尉銜應照准此令

中華民國二年十二月二十九日

省令

都督兼民政長訓令

令財政司

案據永順縣城鄉議董各會及商務分會聯合呈稱情因卸任王知事開文在任九月任內除收恭生局陋規錢二百串及畧有訟費外毫無入款一切因公用費挪借商家錢二千餘串挪用稅契一千八九百串薪俸分文未得本應俟壬子年九月開征在錢糧截留項下歸還因截留無幾若填王任墊款薪俸以後又在本年九月始能開征一切用款無從籌措經府議會提議呈請壬子年採買銀二千五百餘兩填補上季用款嗣因銀價日低不敷填補復經王知事呈請半年津貼銀一千一百兩合共三千六百餘兩可以足數均蒙批准除扣抵解稅契外其餘二千三百餘兩飭現任知事具領斟酌給領在案殊有四人各挾私怨將王任所用賬目概行挑駁於三月二十九開會該挑賬四人竟不臨會衆人函催據復稱法律無開會議賬之條王知事見其無可如何即當天盟誓倘我做官有貪贓枉法浮糜地方膏脂定遭天遣動身時許衆人將衣箱行李檢查後再爲出城當時衆人見做官如此結果已有流淚歎息者已有即欲憤殺挑賬者極力解勸風潮始悉張知事見人多口雜吩咐上議堂時要地方公舉代表數人答復當舉得府議員董光輔等五位代表俟王知事一一報告衆人均認可後代表五人始出具稟結請張知事發給銀兩而張知事當謂衆人雖出結請發但挑賬四人均未到會非稟

奉財政司批准發給不可衆人見張知事報告後即謂此項採買津貼今日出結既不能發應請保存不得私行發給他人地方即具公稟請示張知事當衆謂既經爭執稟控有案自應保存遵批辦理當時又有人報告如有願出名具稟者請當場親筆籤押不然恐有不負責任當時簽押者五十餘名隨即會蓋城鄉各議董商務籌邊各鈐記道稟奉前民政司批動輒排列鈐記閱之厭目疑爲一二私人之假託批駁本當隨即呈明此係公論自在人心一則深恐釀出命件消患於未然起見並非一二私人所可能爲正欲擬稿呈覆間適奉前財政司批准迅予發給俾刻歸還墊款等因事遂中止至前都督與司法司兩處至今未奉批示王知事亦即造冊呈報蒙各前憲均批准照數發給王知事自應遵批向張知事領取不識如何又謂此項採買津貼銀兩均已花散究竟因何動用職等實屬夢昧只聞前有留省學生六七名欲將此款提作遊學旅費查旅費曾經稟定賓興公車兩款每年尙有贏餘儘數提歸中學校何得另指他款若謂備荒發賑今歲又屬豐年况王知事因去歲水災虫荒曾經稟報蒙發賑款錢一千串王卸任後經張知事具稟存署衆人請發不發現僅分給各保錢七百串尙有二百串不知作何報銷若藉填省穀爲名查此項省穀係各機關借用朱紳維琛爲行政廳公用私人賠還二百餘石有借自必有還何得指東畫西又謂扣作張知事薪俸查此項採買津貼專爲填補王知事任內墊款前任薪俸尙且分文未得豈能先補後任薪俸殊屬無理阻撓其中不無主謀之人又不識兩下如何揭稟以致奉前財政司電令彼此均不得爭執滋事候委員調查

稟復飭遵等因自陰歷八月尾即聞已委清鄉委員彭順性查辦之說究竟許久未見發表此非密查之事又見此而不見彼街衢不無煩言且本地人查本地事以本地學生而查辦官長職等不敢深說究竟不識彭委員是何主見一直延至九月二十八日該委員騎馬跌傷後始將清冊送交議會閱數日王知事將冊各處送閱職等始見蒙前財政司共批四十三條除兼司法薪俸及坐省紙筆錢四串批駁外內中亦有酌給者大約算來應補王知事錢三千五六百串在王知事所說尙有商家分二息錢及被害一年伙食費用費在外以理而論雷懋德既扣息三分不肯退還又復挑駁此三家事同一律即取分二息亦不爲過實係因公被人卡害即問賠償伙食費用費似覺亦不爲無理現在正欸尙且卡不付給兩下又在揭稟至今亦未見委員辦法殊不可解現聞魯隆盜等串同國民同黨各機關將董光輔稟控誣爲地痞與王知事分肥等語董紳家住離城百里現已回鄉尙不知情職等公論不得不言查當日五位代表係張知事請衆人公舉並非王知事所請代表伊不過性情剛直說話不避嫌怨今即誣與王知事分肥情理安在况王知事在任頗洽輿情操守極其清廉聽斷猶如眼見交卸雖已年餘至今永邑縱橫三百餘里地面無處不口碑載道思念還我使君即挺身替王知事憤抱不平者亦不暇數百人之多僅與董光輔一人分肥衆人豈肯甘作犖山之犬若要人人有分每人分得幾何王知事並非木偶又豈肯久留異地不顧前程舍命相爭爲他人作嫁且商欸不還即能了事職等均與挑賬四人非親即友若不因公論所在倘王知事實非好官誰肯爲外省人

而獲罪親朋况董紳老成不苟鄉望素符尙且誣爲地痞分肥將來凡爲王知事言公者無不受伊等誣害一則蒙發填補之採買津貼銀兩既經衆議保存張知事當衆認可復經前財政司批准照數發給而今忽言花散商家追討逼迫王知事焉得不向張知事索取王知事因公受累已經年餘傷心切齒仇怨交迫極深聞稟詞亦言之甚激一旦變生莫測職等若不早爲呈明取消代表必受無端之風波魯隆益等挾嫌卡害始終不悟將來一切用費應歸伊等賠償地方決不承認此案以職等愚見非將兩造一併提省應給則從嚴追繳給領不應給則從嚴批飭等情到署據此查此案前據王前知事具呈當經令行該司派員前往查明了結在案究竟該司係委何員查辦現在已否歸結合亟令仰該司即便遵照前令各令迅速妥爲辦理具覆核奪此令

湖南民
政長印

中華民國二年十二月三十一日

都督兼民政長訓令

令教育司

案准 教育部咨開爲咨行事據湖南公立高等工業學校校長歐陽鼎呈稱湖南公立高等

工業學校經常費年支洋銀八萬六千元有奇臨時建築費元年二年兩次預算共銀十萬兩前經議會通過列入國家稅內開支茲於前月二十日准湖南教育司函開轉奉湖南都督檢送財政部核覆二年度國家預算湖南歲出分表經常門第四類湘省所已辦之高等以上各學校每年經常費暨東西洋留學經費原預算共七十四萬一千六百三十三元內除核准高等師範學校經常費七萬零三十四元外其餘一律取銷等因奉此查敝校經常臨時建築各費皆在取消之列事關全局計畫敝校自應靜候裁奪惟是敝校實習工場久未建設雖經前監督曹典球請撥銅元局間屋一部分僅能開辦機械科實習工場一所其餘如採鑛冶金土木應用化學密業各科皆缺焉未備迨民國元年前校長陳洪範建議呈請開辦工場復經前校長廖名縉黎尙雯繼續聲請始克由湖南政務會議決發給工場設備費銀十二萬兩購地費銀二萬兩當在北門外購定地址數千方足敷全校建造之用並陸續在禮和洋行訂購機械儀器藥品及工場應用物品等項肅受事以來復將籌辦工場始末情形呈明湘都督及教育司均奉批如呈備案現計密業科及應用化學科均在明年畢業其餘各科理論均已課畢亟待實習兼之前此訂購之機械儀器等項均已陸續到湘存儲蓬廠久恐鏽壞工場興築萬難再延肅前月延聘奧國工程師白克烈來湘測量繪圖正擬興作適奉財政部核覆取消國家稅支出湘都督及教育司即行知敝校從緩進行肅細釋財政部議覆文義不過以此等學校尙未收歸國立自未便由國家稅內開支故將預算案取消至於此校既屬公立此項臨時

及經常校欸湘政府自應由地方稅內照常支出萬不能藉詞遷延坐令開辦十年卓有基礎之工校一旦停滯而使莘莘學子皆生廢業之缺望按之事理當不至是爲此縷晰一切呈請鈞部俯念此工校創立艱難特加維持電達湖南財政教育兩司極力籌度准由地方稅內將高等工業學校經常費洋銀八萬六千餘元按月攤發臨時建築費十萬兩陸續支給以資興作而全學校等因前來查財政部核編民國二年度國家預算教育部所管歲出總冊第十五欸湖南省教育經費項下說明欄內開查本欸省冊原數爲七十四萬一千六百三十三元財政部覆核教育部修正冊除第三項裁減一萬三千元計列七萬零三十四元外其餘各項經費悉歸地方歲出等語湖南高等工業學校經費自應改歸地方支出如地方收入有限應請將全省公立各專門學校分別緩急通盤籌畫擇重要者酌予維持方無窒礙茲據前因相應咨請貴民政長察核飭司遵照可也此咨等因准此合行令仰該司即便遵照詳晰核議具覆以憑核辦此令

湖南民

政長印

中華民國二年十二月三十一日

都督兼民政長指令

令武岡縣知事

案據該知事呈報該縣餉捐經袁委員毓煌顏委員瑩前後經手寫捐錢八萬四千二百餘串實收錢一萬七千五百餘串解司錢一萬二千二百餘串現存錢一千七百餘串袁委員糜費錢三千六百餘串交議事會議決請將已收未解之款存儲財產管理處爲公益之需其錢照捐戶攤派刊碑已繳之款照章請領債票袁委員糜費一項可否加發債票如捐戶已繳勸捐員尙未繳到者勒繳退還參事會參決請將未解者退還捐戶各鎮鄉挪用者照數追還惟籌餉員及勸捐員費用應照已解現存數目扣除給發債票各等情轉呈請示到署據此查公債性質國家與人民立於對等地位一經收款一方負有給票之債務一方即享有領票之債權該縣現存未解之一千七百餘串既經各捐戶輸納在前自應掃解財政司發給債票以昭公允所請存儲財產管理處留辦公益照戶攤派事嫌繁碎未便准行其捐戶已繳而勸捐員尙未繳到者但使人民交款在截止期限以前仍應催齊彙解各鎮鄉如有挪用併即追繳解司領給債票倘交款時日期已在截止之後始可如來呈辦法勒令各經手人員逐戶如數退還仍由該行政廳佈告閭閻俾免款歸中飽至委員糜費及勸捐員用費數達三千數百串之多較原章有無浮濫應由財政司按冊勾稽果係實用實銷自應一體准給債票如有虛糜不實即應按數嚴追分別酌辦以重捐款而昭核實除令行財政司查核飭遵外合行令仰該縣知

事即便遵照安速辦理具報此令

湖南民
政長印

中華民國二年十二月三十一日

都督兼民政長指令

令湘鄉縣知事

案據該知事呈稱奉飭解散自治各會請照從前習慣就上中下三里固有之團防局遴委殷實老成董率各舊都坊及各戶族辦理一切公益事宜俟改組後撤銷等情到署據此查現在節當冬令宵小潛滋處自治機關中斷之時自應妥籌辦法保持秩序該知事請就從前習慣暫行興辦團防具見保乂地方關心民瘼深堪嘉尙應准如呈辦理以衛治安合行令仰該知事即便遵照安爲舉辦俟自治各會更選成立後再行取銷此令

湖南民
政長印

中華民國二年十二月三十一日

都督兼民政長指令

令飛翰水師統領

案據該統領呈明劉處長家被搶拏獲盜犯謝學堂等各情形及供詞均悉查此案前據漢壽縣知事呈報當經指令侯水師營解到謝學堂等犯立即提同先獲之楊細滿等質訊的供分別擬辦在案據呈各情除分令漢壽沅江縣知事查照外合亟令仰該統領即便遵照仍嚴飭各防營趕緝此案逸盜真贓務獲究辦切切此令

湖南民

政長印

中華民國二年十二月三十一日
都督兼民政長訓令

令武岡縣知事

案據邵陽縣知事黃篤衡呈稱案據寶慶省分倉經理委員禹彝叙楊開運鄒永培面稱今歲五屬告飢奉前都督暨前民政司長前財政司長各電令量荒支配盡倉發給武岡邵陽新化新寧各屬現在武岡購採新穀二萬餘碩尅期僱舟運放填倉殊該縣倡議閉關風潮甚烈查武岡素稱產穀之區每歲出口不下數十萬碩釐金學捐各局卡有數可稽區區二萬餘碩實無傷該處民食此種閉關行爲實爲不顧公益破壞倉儲起見應請據情轉呈民政長暨財政司長令行武岡縣知事出示曉諭沿河一帶無得阻閉保護出境以維倉務等情前來據此查武岡產穀素豐今歲尤稔省倉所採不過二萬餘碩於武岡毫無所損如此阻禁實屬不合理

合備文呈請鈞府俯念倉儲重要令行武岡縣知事查照前因辦理母任待命之至此呈等情到署據此查寶慶省分倉所儲穀碩前經分撥武岡等縣接濟春荒現在該縣採穀還倉自屬正辦湘省今歲秋收尙屬豐稔業經本兼民政長通令嚴禁私阻設法流通該武岡縣一隅何得閉糶自封獨違命令除令知黃知事轉飭寶慶分倉經理各員仍赴該縣妥爲起運外合行令仰該知事即便遵照出示保護出境母任刁徒私禁致誤倉儲切切此令

湖南民
政長印

中華民國二年十二月三十一日

都督兼民政長訓令

令長沙縣知事

案據憐幽會首士楊鹿生楊梓華等呈稱組織憐幽會被鎮會勒提等情到署據此除批呈悉既據稱以孟蘭會財產維持教育在所甘心何得復請發還惟所呈稱商會假借名義自私自利一節是否屬實仰候令行長沙縣知事查核辦理此批掛發外合行令仰該縣知事即便查明該欸是否確係提作學欸據實呈覆辦理此令

湖南民
政長印

中華民國二年十二月三十一日

都督兼民政長訓令

令麻陽縣知事

案據該縣城區議董兩會張盛楷等聯名呈稱竊查地方自治章程第九十條第一項自治經費以本地方公款公產充之又查前清諮議局議決地方自治經費案有爲城廂獨有者有爲某鎮某鄉獨有者總以自治區域爲範圍近日復奉前內務司財政司通令內開查公共財團有省有及府縣城鎮鄉之別嗣後各屬公款公產必向屬全縣所有者始歸財產管理處處分必向屬鎮鄉所有者始歸鎮鄉處分麻陽城內同天寺玉華觀城外伏波廟三處均在城區範圍之內所有公款公產向係由寺僧廟祝自行經管自上年城區自治成立已將該三處款項提作辦理學務及自治一切事宜先後稟定有案本年忽聞縣會議將同天寺玉華觀伏波廟三處公款提歸行政廳經收以爲全縣公有敝會聞之不勝駭異前已具呈行政廳並移交縣會議覆殊縣會先挾一城鄉之見並恃該會議員二十名各鄉占十九名城區僅占一名不顧公理任情武斷昨准移覆謂同天寺玉華觀伏波廟三處碑記朗存不盡刊城區捐費之名等語查同天寺玉華觀多係城紳捐助並有由僧人自置者至伏波廟產業間有由鄉捐集者然既已捐出即與捐主脫離關係揆之民法主權自應歸廟以云屬地城區自應獨有所謂碑記朗存不盡刊城區捐費之名不足憑者一也來覆又謂該三處款項經前籌辦自治所長所董

等稟定有案且將該二處公款公產以供籌辦自治費用等語查當時籌辦自治所費用者不僅該三處之欸如小坡桐子捐錢四百串長潭輕土舒家村桐子捐或百餘串或數十串並提用鐵路租股錢四百餘串如以當時費用爲憑則小坡長潭輕土舒家村各處之桐子捐能照從前所提之數認爲全縣公有乎如以調查爲憑則未經調查者自可廢續調查不得以已經調查者即可冒爲縣有未經調查者並可據爲鄉有非但此也從前迷信甚深凡各處建一寺廟修一橋亭鄉固有輸捐於城城豈無輸捐於鄉所謂縣有寺廟全縣公營鄉有寺廟偏隅私組不足憑者二也來覆又謂擬將天王廟城隍廟子孫宮育嬰等處田租及城外沿河租錢約計每年三百餘金劃歸城區作爲的欸等語查天王廟城隍廟額租年各三十碩上下本年各提租十石子孫宮額租年約十一石本年提租五石三處共祇提租二十五石育嬰一欸前僅有租十餘石近經城紳極力捐助另增租三十餘石年共收租四十餘石專作發給育嬰之用並未移用他項至城外沿河租錢向無明文未審該縣會據何云然指鹿爲馬畫餅充饑所謂以三百餘金劃作城區的欸不足憑者三也且城區原議提同天寺玉華觀伏波廟三處欸項專爲辦理學務及自治經費上年城區擬辦初等小學六校後因欸絀並爲三校然合提天王廟城隍廟湘山寺各租暨特別各捐三校每月僅各得錢五串二百文自治用項即力從撙節不敷尙鉅若併同天寺伏波廟玉華觀而去之勢不至學校倒閉自治停辦不止抑更有陳者我邑全縣公有之欸亦不少矣如賓興如月課如書院屯租以及學田學洲並馬南油捐咸池

公產統計不下二千餘金皆陸續提入縣立高等小學是縣有界限從前早已分明况同天寺伏波廟玉華觀三處除香燈僧食修理錢糧外年僅可提租百餘石而各鄉如同天寺玉華觀伏波廟者何止數十百處年可收租何止數千百石如以爲財政統一則全縣宜歸一律今縣會於城區則搜羅殆盡於鄉區則毫不提及似非代表全縣主張公道者所宜出此做會爲振興學務促進自治起見不敢再安緘默致貽停辦之差除呈請行政廳轉呈暨呈都督內務司教育司外謹抄粘交議並移覆原文各一件呈請鈞核派員調查力予維持俾自治學欸兩有着落等情據此查各縣議董各會現均由本兼民政長通令一律解散依法更選在案據呈前情合亟令行該知事即便遵照確切查明分別核辦覆奪此令

湖南民
政長印

中華民國二年十二月三十一日

都督兼民政長訓令

令長沙縣知事

案據陳祿生等呈稱爲謹奉鈞諭發還原產懇飭究辦等情據此除批生生永慶會產既係一部分人民公集固不容經管之謝芹生捐充自治經費亦未便由爾等一方面捐入實業學校據呈各情候令行長沙縣知事澈查明確核辦具覆此批掛發外合行令仰該知事即便遵照

辦理切切此令

湖南民
政長印

中華民國三年一月四日

公電

本省發電

都督兼民政長致湖北民政長電

武昌呂民政長鑒據兩湖米捐總局呈據藕池口專局委員孫憲圻暨電稱藕池鄂屬南米出境每詭稱北米以相詰難非得鄂省長吏示諭辦理殊多棘手懇轉呈電鄂頒示凡米過局准一例抽收等因查藕池設局收捐一案前經電請尊處查照新案第五條直電公安石首監利各知事查照出示曉諭在案據電前情應請尊處亟電飭公安石首監利等縣知事尅日照案示諭以利推行深紉公誼并盼覆示湯蕪銘冬印

都督兼民政長致兩湖官銀錢局高督辦電

天津直隸省銀行轉高佑諸先生鑒夙仰猷望瞻詣無從景跂之懷有如飢渴茲奉大總統令任公督辦兩湖官銀錢局貨財并裕湘漢同流福國利民有可預必風聲所樹歡忭無任何日蒞臨敬乞垂示附塵如願就教有期謹先電陳仰惟鑒察湯蕪銘冬印

都督兼民政長致大總統電

北京大總統鈞鑒案據湘南鎮守使趙春廷電稱據職部第四營營長晏孝廉報稱拿獲彭復即江中煌一名訊據供稱到山西冀州保護明主有熊子明已約會九江龍虎山兵馬先到該處封我爲大元帥等語並搜有偽圖記等件職過衡派法官會同行政官訊供同前語言狂

悖顯係神拳匪首非立予嚴懲不足以杜亂萌業於勘日會同知事鄧典謨將該犯正法一面派人嚴拿餘黨等語除電飭該鎮守使迅速派隊嚴拿餘黨外謹此電聞署湖南都督湯薌銘叩支印

都督兼民政長覆駐藏辦事長官電

印度送駐藏辦事長官陸鑒惠電奉悉發春獻歲民物更新辱箴勗之嘉詞慕遠猷之優渥式瞻大纛惟祝禔麻湘都督兼民政長湯薌銘叩支印

各省來電

駐藏辦事長官致北京各部各省都督民政長電

騰越電報局轉寄北京電報總局轉北京各院部局處各省都督民政長及各長官鈞鑒共和成立星紀兩周每念勳名時深欽佩想賢勞所及應已忘年况締造方艱違言賀歲然率作興事時人不廢祝詞歲晚務閒同俗亦以爲樂用伸歲懷藉慰憂勤願從此國運富強與年俱進更祝政躬康勝隨序同增護理駐藏辦事長官陸興祺謹啓

高督辦自天津致 都督兼民政長電

長沙湯都督鑒冬電謹悉恭承任命艱鉅難勝先辱心知願叨指誨過承獎許感悚交并在京尙有待商事宜就緒後即當就道晉謁匪遙至深欣幸高松如叩江

張朱兩檢查使自漢口致 都督兼民政長電

長沙湯都督鑒湘事諸承大力維持臨行又承餞送感荷無極惟政躬勤勞有加無已尙乞爲國珍攝濟等於二十五到漢候車准二十九啓程赴京特聞張學濟朱樹藩仝叩艷

直隸都督致北京國務院各省都督民政長電

北京國務院各省都督民政長各護軍使鎮守使均鑒秉鈞奉令署理直隸都督辭弗獲已業於本日接篆視事軍旅未學無任悚惶尙望時錫嘉言爲荷趙秉鈞江印



公文

都督兼民政長呈 大總統 國務院內務部 文

為呈請事案查湘省組織行政公署一案前奉 大總統教令並 國務院擬定各省行政公署暫行章程奉頒到湘前都督兼民政長譚延闓任內迄未實行薌銘蒞任之始困難萬端既裁兵緝亂之未遑更理財用人之交困材輕任重於時不給茲幸仰承 神算明訓 克理亂絲絜綱紀之未修念統系之宜定謹遵前令於三年一月三日成立湖南行政公署所有內務財政教育實業四司均併入公署實行合署辦公此後手續既省取決尤易薌銘益當督率各司於與利除弊諸要政計日程功以期仰副 大總統 鈞院鈞部 求賢審官勵精圖治之至意除將公署職員銜名履歷另文呈請察核外謹先具文呈請 大總統 國務院內務部 俯賜察核施行 謹呈

大總統 國務院內務總長

都督兼民政長呈 國務院內務部 文

為呈報事案據湖南衡永郴桂觀察使唐璆呈稱竊本使於本年九月七日奉 大總統令任命為湖南衡永郴桂觀察使旋經呈奉鈞府刊發木質關防一顆文曰湖南衡永郴桂觀察使之關防遵於十二月六日抵任啓用視事所有前護道舒癸甲移交銅鑲木質文曰中華民國湖南衡永郴桂兵備道印舊印一顆應即截角呈請核銷除俟本使一面組織公署分科辦事一切完全另文呈報外理合先將抵任啓用關防日期及繳銷舊印一顆各緣由呈請查核并

懇轉請 內務部國務院轉呈 大總統查核備案計繳銷舊印一顆等情據此除將繳銷舊印存檔外理合據情呈請鈞 院部 俯賜查核轉呈此呈

國務院
內務部

都督兼民政長致比國駐漢口總領事照會

爲照會事頃准貴領事照會內開本領事恭膺簡命補授駐漢比國總領事即於本月二十三日到任視事除分別照會外相應備文照會貴都督請煩查照是荷等因准此敬悉貴領事奉使來臨邦交益固本都督兼民政長不勝欣幸之至爲此備文照覆貴領事查照是荷須至照會者

右 照 會

大比國駐漢總領事 牟

專件

大總統召集政治會議委員訓詞 續

前清之末廢止科舉余實主之其後乃分派學生出洋留學然遽謂十數年來人才即可致用余亦未敢信蓋外國博士皆致力數十年乃成專業要宜逐細討論不可以一得自封至中國舊政府敗誠無可諱若謂其中毫無可采之處亦不盡然從前典章法度非僅一朝之計畫每經大聖大賢之教澤與歷代政治家累次考究損益其中亦有精意存焉故目下之目的雖在於維新而數千年來固有之法意亦不能一筆抹煞若專恃新法律新學理未見其能行也當前清訂律設館之初余即謂修定法律宜衡量本國人民之程度習慣依次編訂分期修改如在三十年內修改完善尙不爲遲也又政治不能進行其中尙有大原因焉蓋民權之意義謂人民皆有參政之權其尤大者有選舉大總統之權初非行政上事事皆可干涉也譬如集一公司股東付權於經理之人倘事事干涉經理人無責任之心該公司安有不破產之理現在各省自治機關多溢出法律之外正紳不與公事徒任少數莠徒逞其權利思想以剝削地方官之權抑知地方官無權將何以保障人民勢必至強凌弱衆暴寡構成紛亂之局夫自治機關非惡政也而其效如此毋亦辦理之未得其道耳地方官既受議會之種種束縛縱有良策無從發展即如從前參議院乃立法機關而議成之法綦少政府偶有設施即以違法相詬病迨至國會成立其中亦多賢達之士特以黨爭劇烈含有他種意味雖有善者無如之何亦由

人數太多築室道謀每遇重大之案竟難完全通過夫立法機關譬如繪圖之人行政機關譬如工作之人工人自行建築繪圖者必責爲違法而待繪圖者發給圖樣遙遙無期當此建設時代坐誤歲月一任破屋漂搖於風雨之中豈有立足之地夫約法乃南京臨時參議院所定一切根本皆在約法而約法因人成立多方束縛年餘以來常陷於無政府之地使臨時政府不能有所展布以遂野心家之陰謀置國家安危存亡於不顧致人民重受苦痛諸君亦宜注意於此諸君多從各省來亦有由政府及各部舉派者均係有名望有能力之人爲救國救民起見總須擔負責任既注重於救國救民不宜爭執已見亦不宜墨守成見苟他人所主張者確有理由即當降心以從協力和衷乃有辦法現在救國之計尤須有強有力之政府若全國等於散沙則法令亦無效力至於法律問題曾聞美國大法律家言及開國之初本無所謂法律先由良善之政府根本規定引導人民使入軌道以進於共和之域美爲共和先進國而其人言之言如此致可思也所願此次政治會議引導人民以進於共和軌道庶幾救國救民之目的可期達到余所言者一時未能詳盡此不過麤述厓略質之諸君當有同心也

(完)